

# Sedia garis panduan elak kejadian berulang: TPM

**Kuala Lumpur:** Datuk Seri Dr Wan Azizah Wan Ismail tidak menolak kemungkinan insiden belon meletup dalam majlis yang mencederakan beberapa orang kelmarin, berpunca daripada penggunaan gas, selain helium.

Timbalan Perdana Menteri berkata, andaian itu dibuat atas perkiraan helium bukan gas yang mudah terbakar.

“Saya ada berbincang dengan Menteri dan Timbalan Menteri Pendidikan semalam (kelmarin) untuk melihat sama ada insiden ini perlu diwujudkan garis panduan.

“Setahu saya, jika gunakan gas helium tiada apa (letupan) akan berlaku. Tapi jika dicampur (gas lain) untuk mengurangkan kos, itu menyebabkan masalah.

“Kalau kita tahu ada penggunaan gas mudah terbakar, janganlah gunakan apa-apa api seperti pemetik api, vape atau rokok,” katanya ketika ditemui pemberita pada majlis serahan kunci rumah kepada mangsa kebakaran setinggan Pandan Jaya, Kuala Lumpur, semalam.

bakaran setinggan Pandan Jaya di sini, semalam.

Beliau ditanya sama ada wujud keperluan merangka garis panduan tertentu bagi menge-lakkan insiden belon meletup itu tidak berulang pada masa depan.

Laporan BH kelmarin memetik kenyataan pensyarah Fakulti Sains Universiti Putra Malaysia (UPM), Prof Dr Yap Wing Fen, yang antara lain menjelaskan, penggunaan helium sepenuhnya dalam belon lebih selamat dan tidak mudah terbakar.

Helium berada di Kumpulan 18 (gas adi) dalam jadual berkala dan unsur dalam kumpulan ini tidak bertindak balas dengan sebarang unsur lain, melainkan berada dalam suhu dan tekanan sangat tinggi.

Dr Wan Azizah yang juga Menteri Pembangunan Wanita, Keluarga dan Masyarakat berkata, seorang kaunselor daripada pasukan sokongan psikologi Jabatan Kebajikan Masyarakat memberi kaunseling trauma kepada mangsa.



Dr Wan Azizah pada majlis serahan kunci rumah kepada mangsa kebakaran setinggan Pandan Jaya, Kuala Lumpur, semalam.  
(Foto Hafiz Sohaimi/BH)



BH TV